

Երանի՛ հազար բերան արդարոցն աւուր գալըստեան:

ՈՒԹԵՐՈՐԴ ՏԱՂԱՇԱՐՔ

(ՏԱՂ ԱԴԱՄԱՅ ՊԻԲԼՊԻԲԼ ՎԱՐԴԱՊԵՏԵ ԱՍԱՑԵԱԼ)

Ա .

Մեր Տէրն ի դրախտըն երեկ, Ադամայ ձայնեց թէ՛ Ո՛ր ես.
 Ադամ ի դրախտէն ի դուրս գայս ասաց թէ՛ «Մերկիկ եմ ես.
 Իմ Տէ՛ր, ես քեզնէ կ'ուզեմ որ զԵւա ու զօճն անիծես.
 Նոքա խաբեցին ըզիս, ի լուսոյն մօրմերկացայ ես,
 Պըտողոյն ինձ ուտել տըւին 'ւ ի քենէ արին սեւերես:
 Իմ Տէ՛ր, այն հողուն եմ ես՝ քո ձեռօքդ զիս ստեղծեալ ես.
 Սատանան ցաւեցոյց զիս, կու խընդրեմ՝ ցաւըս փարատես.
 Քան ըզոլոր ճապաղ եղայ, կ'աղաչեմ որ զիս ժողովես,
 Ժողովես ու խշիշան լընուս, քո աշո՛վըդ մատնահարես:
 Իմ Տէ՛ր, կորուսեալ եմ ես, ակն ունիմ որ զիս զըտանես.
 Անմեղ ի յաշխարիս եկի ու մեղօք կ'երթամ սեւերես.
 Անգերծ վըտանգի դիպայ 'ւ անդէնին հըրոյն ազատես:

Բ .

Օրինեա՛ լ Աստուծոյ անուն որ զբարեաց դըռուին Է բացեր,
 Չաշխարիս գեղեցիկ ստեղծեր ու երեք դիմաց բաժաներ,
 Ըզիրեշտակսն յերկինս դասեր 'ւ Ադամայ դըրախտն Է տըւեր,
 Չերկիր անիծից գազկոց 'ւ անասնոց այս տեղ Է շիներ:

Գ .

Քան զԱդամ այլ ի՞նչ հարուստ, որ ուներ ըզդրախտն առանձին.
 Սատանայ ի օճ մըտաւ, օճն յԵւա, զԱդամ խաբեցին,
 Ի պըտողոյն ուտել տըւին, ի փառա՛ցըն մերկացուցին,
 Տերել թըզենւոյն տըւին, ի դրախտէն հանին վարեցին:

Դ .

Ի յերկնաւորաց դասուց Սադայել գերեսն Էր շըրջել,
 Ի յերկնից յանդունդ իջեր 'ւ ի լուսոյն խաւար մընացել,
 ՉԱդամ ի դրախտէն հաներ 'ւ անասնոց երկիրն Է ձըգել,
 'Ի ամենքս Ադամայ որդիքս՝ եմք յօտար երկիրս բընակել: